

DR. IZIDORS ANCĀNS VIŅĀ SAULĒ

Dr. Izidors Ancāns dzimis 1896. gada 16. jūlijā Leivōnu pogosta Mōlakolnūs, mōcējīs Pīterpiļs Goreigajā seminarā, bet revolucijas laikā pōrtraucis un pabeidzis seminaru Aglyunā. Nu 1924. — 28. godam studēja Romā vacōs volūdas un īgyva doktora gradu. Beja paradzāts, ka jys tulkōs Svātūs Rokstus latvyski, kū jys ari beja izdarejis un sagatavōjis rūkrokstu. Bet archiveiskups nūdūmu mainēja un Svātūs Rokstu tulkōšonu uzdeva Aglyunas gimnazijas direktoram Dr. A. Brokam, kura tulkōjums ari tyka izdūts.

Dažūs godus Dr. I. Ancāns strōdōja par profesoru Goreigajā seminarā Reigā, bet 1933. godā tyka pōrcalts par inspektoru uz Aglyunas gimnaziju, kur mōceja greku volūdu. Pēc tam jys tyka pōrcalts uz Ludzu par vikaru pi dekana A. Urbša un skūlu kapelanu. Bet vālōk tyka īcalts par Kōrsovas gimnazijas direktoru, kur palyka leidz Latvijas okupacijai 1940. goda vosorā.

Pi augstōs goreidznīceibas jys nabeja labi pīraksteits, tōpēc pīdareja pi vojōtajim un dzonōtajim. Kai cylvāks jys beja ļūti draudzeigs un sabīdryks, atsauceigs, saprateigs un vīnkōršs. Jys beja vīgli pīejams un izpaleidzeigs. Tōpēc jū cīneja kollegas un skūlāni. Miris jys ir 1969. g. 12. jūlijā Jelgovā, kur ari ir apglobōts. Pādejūs godūs jys ir bejis par dekanu Jelgovā un vadejis Goreigū seminaru Reigā. Pēc sajemtom ziņom nu dzimtines, jys ir strōdōjis pi seminara izdailōšonas, nesis

trepes un kritis. Nu kritīņa sasasitis un aizvasts uz slimineicu, kur miris. Apglobōts sovā dzimšonas dīnā 16. jūlijā, 73 godu vacuumā. Jō bejuši dorba bīdri un skūlāni jū vīnmār paturēs syltā pīmiņā.

Requiem aeternam dona ei, Domine, et lux perpetua luceat ei.

Leonards Latkovskis